

دائرة مخصوصه

درسعادتده باب عالی جوارنده

محل اداره :

# مشرط القلم

اخطار :

مسلكمزه موافق آثار جديه مع المنوئيه قبول اولنور

درج ابدنه بن آثار اعاده اولنور

ديره، فلسفه، علوم، حقوق، ادبيات و سياستنامه و بالخاصه كرك سياسى و كرك اجتماعى و مدنى احوال و مشوره اسلاميه و بحث ايد و هفته ده بر نشر از انور.

آبونه بدلى

سنه لكى

التى آيلنى

|                   |       |    |    |       |
|-------------------|-------|----|----|-------|
| ممالك عثمانيه     | ايچون | ٦٥ | ٣٥ | غروش  |
| روسيه             | »     | ٦٥ | ٣٥ | روبله |
| سائر ممالك اجنبيه | »     | ١٧ | ٩  | فرانق |

صاحب و مؤسسى :

ابوالعلا زين العابدين - ح . اشرف اديب

تاريخ تأسيسى

١٠ تموز ٣٢٤

درسعادتده نسخه سى ٥٠ يارودر

قيرله دن مقوا بورو ايله كوندريليزسه سنوى

٢٠ غروش فضله آلنير

دردنجى جلد

١٥ جاذى الاخر ٣٢٨ پنجشنبه ١٠ حزينان ٣٢٦

عدد : ٩٤

جناب حقك [رب] اولمىندن انلرى زمان بقالرنده مُبَشَقِ اواسى ده لازم كلور - ق ش .

بركت زاره اسماعيل مفي



### هانكيسى شعر؟

عرب ادبياتيله براز آشنالغى اولانلر قصيده برده ناميله اشتهار ايتش اولان «بانت سعاد...» نشيده غرامنه ، قابل دكل ، بيكانه قاله مازلر .

جناب پيغمبرك التفاتنه مظهر اولان بو شعر بايغ صحابه دن كعب بن زهير كدر كه باباسى ده عربك الك متين شاعرلر ننددر . حتى حضرت عمر «ك بويوك شاعر كيدير؟» سؤالنه معروض قالدقچه «ومن ومن ديندر» ديهرك زهيره اياما ايدر مش . چونكه زهيرك معلقه سنده ومن هاب اسباب المنايا ينانه

مصراعيله باشلايان آتى يدى بيت واردر كه هر برينك باشنده . «ومن» واردر . عربك شعر قديمى دائما الواح طبيعتى ، عالم بداوتى مصور اوله رق حكيمته نادرآ ترجمانلق ايتديكى ايچون ، جناب عمر بسبللى بوسوزلرده بر خصوصيت كوررمش كه بك بكنير ، دائما انشاد ايدر مش .

معلومدير كه كعبك دمى هدر ايدلمشكن حضور پيغمبرى يه دخالتله او قوديني «بانت سعاد» قصيدهسى سايه سنده مظهر عفو اوله رق ، اجله اصحاب آره سنه كيير مشدر . شعره قصيده برده دينلمسنه سبب ده صاحبي طرفندن انشاد ايديليركن رسول محترمك دوش پا كنده كي برده ني چيقاروب شاعره بخش ايله مسيدر .

بعضيلرى قصيده برده ايله قصيده برئي بربرينه قاريشدير ييورلر . اوت «امن تذكر جيران بذي سلم» مصراعيله باشلايان شعرده حضرت پيغمبر حقه ده ايسه ده ناظمى اولان امام بصيرى عصر سعادتى ادراك ايده مديكى ايچون طبيعى كعب كي شعرينه جائزه اوله رق برده آلاماشدى . انجق بوشعرى نظم ايتدكن صوكره چوقدن برى مضطرب اولديني مزمن برخسته لقند شفاياب اولمش ده اونك ايچون قصيده سنه قصيده برئه نامنى ويرمش ، دينلر واردر . بناء عليه برئه ايله برده ني آيير مالايدر . قصيده برده نك متعدد شرحلى واردر كه بنده كز برايكى دانه سنى كوردم . ذاتاً شرحلى اولماسه شرك چوق يرينى بز تركلر شويله طوردم ، عربلرده قولاي قولاي اكلايه مازلر . حتى نبى محترم افنديز قصيده انشاد اولنوركن كچن بعض كله لرى اصحابه صور مشلر ، بيلن اولمايجه كنديلرى ايضاح بويور مشلر در .

غريبدير كه اسلاف كرام بوشعر كزنى شرح ايچون قوجه قوجه كتابلر يازمش ، برچوق دقائق اسانيه ، ادبيه كوسترمش ايكن اصل خطارى لازم كلن بر دقيقه ني كچم مشلر در . احتمال كه بنم كورمديكم شرحلرده واردر ؛ لكن كوردكلار مده تصادف ايتديكى خاطر لاميورم . كعب شعر نده سوديكى سعادك كنديسنى براقوب كيتديكندن

طوتديره رق آرقه سندن يتشمك ايچون نصل بر دويه بينمى لازم كله جكنى اوزون اوزادى يه اكلا تكدن صوكره بر كر يزگاه ايله پيغمبرى مدحه باشليور . بر آره لى «پيغمبر اويله بر سيف مسلول آلهميدر كه قارا كلقدن قالانلر اونك ضيا سيله يول بولورلر ...» مآلنده كي :

ان الرسول لسيف يستضاء به

مهند من سرف الله مسلول

بيتنى اوقوينجه جناب رسول ، صفوت جوهرى نى نظرلردن اورتن قيننى ياروب چيقمش بر قيليچ كى همان برده پا كندن انسلاخ ايدرك بيتك هر صورته ماصدق تامى اولدقلىنى كوسترمش لردر . ايسته شارحلر جناب پيغمبرك تام بويت اوقوندينى زمان مبارك خرقلرينى چيقاروب كعبك اوزرينه آتدقلىنى سويلاورلرده بونده كي انجه لكى اخطار ايتيورلر . بكا اويله كليور كه هيچ بر شاعر بويله قيمتلى بر جائزه آلاماشدر . عجبا هانكيسى ده شعر ؟ قصيده مى ، جائزه مى ؟

محمد عاكف



### برنجى قورفرانس :

ملته روح مليت ويره جكلر حقه ده

بروسه ده مدرسه معلمينه

سباغ شهير عبدالرشيد ابراهيم افندى حضرتلى طرفنده

افنديلر سزه قارشى سويلاه جكم سوزلر طبيعى در كه ملتك سزدن اميد ايتديكى شيته داژدر . بوراسنك آدينه «دارالمعلمين» ديمشله ؛ بر مبارك نام كه سزك نه اوله جگكزى بوكوندن كوسترييور . فقط بوكا باقارق «بوراسى معلملر يتشنيره جك بر يردر ، بوراده يتيشن افنديلر ايسته بشيوز غروش ، بيك غروش معاشه نائل اوله جقلر ، مديشتلرينى تأمين ايده جكلر در «ديه جك اولورسه ق ، بويله دوشنوزسه ك يك تأسف ايدر . ديمك كه بورادن چيقان بر افندى كتديكى يرده بر اوقومق يازمق او كر دوب بيك غروش معاش آله جق ، كنديسنك استقبالى تأمين ايده جك ، قارنى طويورمش اوله جق . بويلاه مى ؟ بو قدر مصرفلر ، بو قدر مشقتلر بونك ايچونمى ؟ ... معلومكزدر كه هر سى ، سى اوله بيلمك ايچون بر نيجه ويرمك لازم در . شيمدى سزنى بورايه طويلامقندن . سزك ايچون برچوق مصرفلر ايتمكدن ، معلملر جلب ايلمكدن مقصد قارنكزى طويورمق ايسه .. يازيق ، بو قدر اوغراشمه يه دكمز .

اولادلر ؛ سز بيلمليسكز كه سزى بورايه طويلامقندن مقصد ، ماته ويريله جك روحى سزه تلقين ايتكدر . سز كتديكى كز يزلرده اوقومه يى يازمه يى او كرتمكله برابر اطفال ملته اويله بر تربيه ، اويله بر روح نفخ ايده جكسكز كه او سايه ده ملتك استقبالى تأمين ايديلش اوله جق . سزك الك برنجى وظيفه كز اخلاق مايه ايله مجهز بر نسل